




**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: + 387 (0)33 723 550, Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba


Broj: UR -29/017-5, 018-5/07

**IZVJEŠTAJ O REVIZIJI FINANSIJSKIH IZVJEŠTAJA
na dan 31. decembra 2006. godine
FEDERALNOG MINISTARSTVA OBRAZOVANJA I NAUKE**

Sarajevo, maj 2007. godine



**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU INSTITUCIJA U FBiH
SARAJEVO**



Ložionička 3, 71000 Sarajevo, Tel: + 387 (0)33 723 550, Fax: 716 400, www. saifbih.ba, e-mail: urrevfed@bih.net.ba, saifbih@saifbih.ba

**MENADŽMENTU
FEDERALNOG MINISTARSTVA OBRAZOVANJA I NAUKE**

NEOVISNO REVIZIJSKO MIŠLJENJE

1. Obavili smo reviziju finansijskih izvještaja **Federalnog ministarstva obrazovanja i nauke** iskazanu na stranicama 1 do 6, za godinu koja je završila 31.decembra 2006.godine. Za ove izvještaje odgovornost snosi menadžment Federalnog ministarstva obrazovanja i nauke. Naša odgovornost svodi se na izražavanje mišljenja o tim finansijskim izvještajima na temelju provedene revizije.
2. Reviziju smo obavili, na osnovu ovlaštenja u skladu sa Zakonom o reviziji institucija u FBiH ("Sl. novine FBiH", broj 22/06), a u skladu sa INTOSAI međunarodnim standardima. Ovi standardi zahtijevaju planiranje i obavljanje revizije tako da revizija pruži razumno uvjerenje o tome ima li u finansijskim izvještajima značajnih pogrešaka kao i da li su finansijske transakcije izvršene u skladu sa zakonskim propisima. Revizija je uključila ispitivanje, testiranje i prikupljanje dokaza koji potkrepljuju iznose i objave u finansijskim izvještajima. Revizija je također obuhvatila ocjenu primjenjenih računovodstvenih načela i vrednovanje sveukupne prezentacije finansijskih izvještaja i ocjenu primjene propisa. Vjerujemo da je provedenom revizijom prikupljeno dovoljno dokaza kako bi se stvorile pouzdane osnove za izražavanje našeg mišljenja.
3. Nakon obavljene revizije finansijskih izvještaja Federalnog ministarstva obrazovanja i nauke, skrećemo pažnju na slijedeće :
 - nedovoljno funkcionisanje sistema internih kontrola u dijelu nedosljedne primjene Zakona o budžetu u FBiH, Zakona o izvršavanju budžeta u FBiH i Instrukcije Federalnog Ministarstva finansija o načinu i elementima za izradu Budžeta FBiH, u dijelu isplate naknada svim zaposlenim (za vjerske, nacionalne i državne praznike), u ukupnom iznosu od 22.200,00 KM , za namjene koje nisu planirane budžetom,
 - nije u skladu sa članom 31. Zakona o izvršavanju budžeta FBiH, kvartalno izvještavano Federalno ministarstvo finansija o utrošku sredstava, finansiranih iz INO kreditnih sredstava i donatorskih sredstava, za projekte oporavka obrazovanja OPEC –fond.
4. Po našem mišljenju, finansijski izvještaji, osim za navedeno u prethodnoj tački, daju istinit i fer pregled o finansijskom stanju i rezultatima poslovanja, korisnika budžeta Federalnog ministarstva obrazovanja i nauke, za godinu koja je završila 31.12.2006. godine.

Zamjenik generalnog revizora
Branko Kolobarić, dipl.oec.

Generalni revizor
mr.sc. Ibrahim Okanović, dipl.oec.

IZVJEŠTAJ
O IZVRŠENOJ REVIZIJI FINANSIJSKIH IZVJEŠTAJA
FEDERALNOG MINISTARSTVA OBRAZOVANJA I NAUKE
NA DAN 31.12.2006. GODINE

1. UVOD

Federalno ministarstvo obrazovanja i nauke (u daljem tekstu Ministarstvo) osnovano je u skladu sa Zakonom o federalnim ministarstvima i drugim tijelima federalne uprave («Službene novine FBiH», broj 19/03, 38/05, 2/06, 8/06 i 61/06). Ministarstvo vrši upravne, stručne i druge poslove iz nadležnosti FBiH koji se odnose na: predškolsko, osnovno i srednje obrazovanje; pedagoške standarde i normative prostora, opreme i nastavnih sredstava za predškolsko, osnovno i srednje obrazovanje i odgoj, nostrifikaciju i ekvivalenciju inostranih školskih svjedodžbi i diploma; stručno obrazovanje i usavršavanje nastavnog osoblja; udžbeničke literature za osnovno i srednje obrazovanje; naučno istraživački rad na unapređenju odgojno obrazovnog rada; standarde i normative za visoko obrazovanje; đачki studentski standard; razvoj naučno istraživačke djelatnosti; zaštitu autorskog prava i intelektualne svojine; koordiniranje naučno istraživačke aktivnosti; razvoj naučno istraživačkih organizacija; podsticanje fundamentalnih primjenjenih istraživanja, razvoj investicionih tehnologija i kadrova u naučno istraživačkoj djelatnosti; praćenje inovacija, razvoja i unapređenja tehnologija i druge poslove utvrđene zakonom.

Unutrašnja organizacija i način rada Ministarstva utvrđeni su Pravilnikom o unutrašnjoj organizaciji broj: 01-34-251/05 od 25.01.2005 godine, na koji je saglasnost dala Vlada FBiH dana 07.04.2005 godine.

Sredstva za rad Ministarstva obezbjeđuju se u federalnom budžetu.

Broj zaposlenih u Ministarstvu na dan 31.12.2006. godine je bio 39, a Budžetom za 2006. godinu odobrena su sredstva za 50 zaposlenika.

Sjedište Ministarstva je u Mostaru, u ulici Stjepana Radića 33.

2. OSVRT NA NALAZE REVIZIJE FINANSIJSKIH IZVJEŠTAJA

Revizijom finansijskih izvještaja za 2006. godinu i usklađenosti poslovanja sa zakonskim propisima, konstatovano je da je Ministarstvo u postupilo po datim preporukama, datim u prethodnoj reviziji. Postupljeno je po preporukama koje se odnose na: postupanje u skladu sa Zakonom o javnim nabavkama BiH, obračun i isplatu dnevnica za službena putovanja, obračun i isplatu naknada za rad stručnih komisija, postupanje u skladu sa Zaključkom Vlade FBiH u vezi korištenja i upotrebe fiksnih telefona.

3. CILJ REVIZIJE

Cilj revizije finansijskih izvještaja je da omogući revizoru da izrazi mišljenje o tome da li su finansijski izvještaji pripremljeni, u svakom značajnom pogledu, u skladu sa zakonskom važećom regulativom. Revizija je planirana i izvršena sa ciljem pribavljanja realne osnove da li finansijski izvještaji odražavaju tačan i istinit prikaz poslovanja tokom godine i stanja na kraju godine. Revizija će utvrditi: da li su preduzete sve mjere za osiguranje, ubiranje i čuvanje javnih prihoda i da li se Ministarstvo pridržavalo zakona i instrukcija koje se odnose na nju, da li su isplate javnih rashoda ili korištenje javnih prihoda vršene po odgovarajućim ovlaštenjima i za svrhe za koje je dato ovlaštenje. Također, izvršiti procjenu da li rukovodilac institucije primjenjuje zakone i propise, koristi sredstva za odgovarajuće namjene, ocijeniti finansijsko upravljanje, funkciju interne revizije i sisteme interne kontrole

Cilj revizije je postizanje transparentnosti u radu Ministarstva kao i javna odgovornost menadžmenta za zakonitost rada, uspješno i efikasno obavljanje odnosno sprovođenje postavljenih ciljeva što će se utvrditi uvidom u poslovanje Ministarstva.

Revizija, također, uključuje davanje preporuka za dalji rad, sa posebnim naglaskom na što efikasniju i ekonomičniju zaštitu imovine i trošenje sredstava, kao i stvaranje podloge za uvođenje, primjenu i što efikasniji rad interne kontrole.

4. NALAZI I PREPORUKE

a) Menadžment i sistem internih kontrola

U postupku revizije konstatovano je da je Ministarstvo donijelo akta u skladu sa Smjericama za uspostavu i jačanje sistema internih kontrola, međutim revizijom je utvrđeno da nije u potpunosti uspostavljen funkcionalan sistem internih kontrola u dijelu dosljedne primjene zakonskih propisa i akata donesenim na osnovu istih. Navedeno je imalo za posljedicu da se raspodjela sredstava tekućih transfera nije u potpunosti vršila u skladu s utvrđenim kriterijima u Programu utroška sredstava s kriterijima raspodjele sredstava tekućih transfera utvrđenih budžetom FBiH za 2006. godinu. Također, izvršena je isplata naknada zaposlenim povodom vjerskih, nacionalnih i državnih praznika u iznosu od 22.200,00 KM, i ako navedeni izdaci nisu bili planirani Budžetom FBiH za 2006. godinu, kao i izvršenih isplata po osnovu zaključenih ugovora o djelu za poslove koji su utvrđeni u opisu poslova zaposlenika u skladu sa Pravilnikom o unutrašnjoj organizaciji. Isto tako, utvrđeno je da 2 zaposlenika obavljaju poslove van sjedišta Ministarstva, to jest u Sarajevu, a ovakav način rasporeda zaposlenika nije predviđen Pravilnikom o unutrašnjoj organizaciji Ministarstva.

Potrebno je da se uspostavi funkcionalan sistem internih kontrola, a posebno u dijelu dosljedne primjene zakona i ostalih propisa vezanih za raspodjelu sredstava tekućih transfera, a u cilju efikasnijeg i transparentnog korištenja odobrenih sredstava Budžeta.

b) Izvršenje budžeta za 2006. godinuž

Uvidom u prezentiranu dokumentaciju i finansijske izvještaje, konstatovano je izvršenje budžeta, kako slijedi:

C-to	Vrsta rashoda	Budžet za 2006 godinu	Izvršenje Budžeta za 2006. g	Tekuća rezerva u 2006. g
1	2	3	4	5
611000	Bruto plaće i naknade zaposlenih	1.259.833	963.970	
611100	Bruto plaće i naknade	744.976	662.660	
611200	Naknade troškova zaposlenih	514.857	301.310	
612000	Doprinosi poslodavca i ostali doprinosi	82.574	73.483	
612100	Doprinosi poslodavca	82.574	73.483	
613000	Izdaci za materijal i usluge	562.080	440.029	16.000
613100	Putni troškovi	75.000	48.284	
613200	Izdaci za energiju	1.080	6.590	9.000
613300	Izdaci za komunalne usluge	65.000	45.651	
613400	Nabavka materijala	50.400	38.692	
613500	Izdaci za usluge prijevoza i goriva	25.600	25.279	
613600	Unajmljivanje imovine i opreme	2.400	1.704	
613700	Izdaci za tekuće održavanje	24.000	25.600	7.000
613800	Izdaci za osiguranje, bankarske usluge	8.600	4.079	
613900	Ugovorne usluge	310.000	244.150	
614000	Tekući transferi	3.750.000	3.571.155	100.000
614100	Transfer za finansiranje studentskog standarda	750.000	748.915	
614100	Transfer za finansiranje obrazov. i rekonstr. škola	700.000	796.338	100.000
614300	Transfer za agenciju za nastavne planove i programe	250.000	-	

614300	Transfer za Agenciju za standarde i ocjenjivanje u obrazovanju	700.000	700.000	
614300	Transfer za oblast nauke	750.000	726.174	
614300	Transfer za institucije nauke	600.000	599.728	
821000	Izdaci za nabavku stalnih sredstava		106.751	106.751
821300	Nabavka opreme		106.750	
821600				
Ukupno rashodi i izdaci		5.654.487	5.155.388	222.751
Planirani broj uposlenih				50
Broj uposlenih na dan 31.12.2006.godine				39

Ministarstvo je realiziralo sredstva u iznosu od 5.155.388,00 KM, a Budžetom FBiH za 2006.godinu odobrena su sredstva u iznosu od 5.654.487,00 KM, dok je iz Tekuće rezerve Vlade FBiH odobren iznos od 222.751,00 KM, što predstavlja ostvarenje 91,17 %. Najveći dio sredstava tekuće rezerve, odobren je za : transfer za Fond za stipendiranje posebno nadarenih učenika u iznosu 50.000,00 KM, transfer za podršku organiziranja Međunarodnog simpozija o saobraćaju u iznosu od 30.000,00 KM, transfer za izgradnju škole u Pakistanu u iznosu od 20.000,00 KM i za nabavku opreme i namještaja u iznosu od 106.751,00 KM.

Izdaci za naknade zaposlenih iskazane su u iznosu od 301.310,00 KM. Uvidom u prezentiranu dokumentaciju konstatovano je da je Ministarstvo izvršilo isplatu naknade svim zaposlenim povodom vjerskih, nacionalnih i državnih praznika u bruto iznosu od 22.200,00 KM (neto isplaćeno 14.800,00 KM i pripadajući porezi u iznosu od 7.400,00 KM), odnosno 400,00 KM po zaposlenom. Navedena isplata izvršena je sa pozicije jubilarnih nagrada, iako se navedeni izdaci nisu mogli planirati Instrukcijom Federalnog Ministarstva finansija o načinu i elementima za izradu Budžeta FBiH za 2006.godinu.

Također, izvršena je isplata sa pozicije usluga reprezentacije na osnovu Odluke o odobravanju sredstava za nabavku novogodišnjih paketića, namjenjenih djeci, broj 08-14-6281/06 od 27.12.2006. godine, u iznosu od 2.700,00 KM (vrijednost paketića je 100,00 KM). Navedena isplata nije osnovana jer se navedeni izdaci ne smatraju troškovima reprezentacije, odnosno troškovima koji su nastali u cilju obavljanja poslova iz nadležnosti Ministarstva.

Potrebno je da Ministarstvo koristi budžetska sredstva samo za namjene koje su određene budžetom i to do visine utvrđene u njegovom posebnom dijelu u skladu sa odredbama Zakona o budžetima FBiH i Zakona o izvršavanju budžeta FBiH

Uvidom u prezentiranu dokumentaciju, konstatovano je da su izvršene isplate za usluge stručnog obrazovanja u iznosu od 7.140,00 KM, a odnose se za podmirenje troškova školovanja na Fakultetu za poslovni menadžment, na troškove školovanja za prekvalifikaciju, upisa u prvi semestar postdiplomskog studija i polaganja stručnog ispita iz oblasti elektronike. Isplata je vršena na osnovu Pravilnika o stručnom obrazovanju i usavršavanju rukovodećih i ostalih državnih službenika i namještenika. Ne može se potvrditi opravdanost navedenih isplata, iz razloga što Ministarstvo nije prije isplate sačinilo plan i program stručnog usavršavanja državnih službenika i namještenika u skladu sa članom 9. Uredbe o naknadama i drugim materijalnim pravima koja nemaju karakter plaće, kao i naprijed navedenim pravilnikom.

Ministarstvo je po osnovu ugovora o djelu izvršilo isplatu za izradu Dokumenta okvirnog budžeta i Srednjoročnog okvira rashoda u iznosu od 2.400,00 KM. Navedena isplata nije osnovana iz razloga što je Pravilnikom o unutrašnjoj organizaciji Ministarstva, predviđeno radno mjesto šefa Odsjeka za ekonomsko-finansijske i pravne poslove (koje je u to vrijeme bilo popunjeno), gdje su u opisu poslova definisani i poslovi pripreme prijedloga Budžeta. Također, po osnovu ugovora o djelu izvršena je isplata za pružanje usluga predbilansnih radnji, knjiženja i popunjavanje obrazaca za godišnji obračun, u iznosu od 1.300,00 KM. Navedena isplata nije osnovana iz razloga što je Pravilnikom o unutrašnjoj organizaciji Ministarstva, predviđeno da Služba za ekonomsko-finansijske, pravne i opće poslove, odnosno Odsjek za ekonomsko-finansijske i pravne poslove, obavlja poslove sastavljanja godišnjih obračuna i periodičnih izvještaja.

Potrebno je da Ministarstvo u potpunosti postupa u skladu sa Uredbom o naknadama i drugim materijalnim pravima koja nemaju karakter plaće i da donese plan i program stručnog usavršavanja državnih službenika i namještenika i na osnovu istog vrši isplatu sredstava.

Potrebno je da zaposlenici obavljaju poslove i radne zadatke utvrđene Pravilnikom o unutrašnjoj organizaciji, a da se ugovori o djelu zaključuju samo za poslove utvrđene zakonskim i ostalim propisima.

Tekući transferi su ostvareni u iznosu od 3.571.155,00 KM, a planirana 3.750.000,00 KM, dok je iz Tekuće rezerve Vlade FBiH odobren iznos od 100.000,00 KM, što predstavlja ostvarenje 95,23 %.

Transfer za finansiranje studentskog standarda ostvaren je u iznosu od 748.915,00 KM, a odnosi se na troškove subvencioniranja smještaja i ishrane studenata u studentskim centrima–domovima u FBiH i prošireni studentski standard. Odlukom Vlade FBiH, V.broj: 398/2005 od 21.07.2005. godine, određeno je da subvencioniranje troškova smještaja i ishrane studenata u studentskim domovima iznosi po 100,00 KM, po studentu. Uvidom u prezentiranu dokumentaciju (Rekapitulaciju smještenih studenata u studentskim domovima u školskoj 2005/2006. godini), utvrdili smo, da je Ministarstvo vršilo isplatu u iznosu od 110,00 KM po studentu. Naime, Ministarstvo se nije pridržavalo gore navedene Odluke u dijelu visine subvencioniranja troškova smještaja i ishrane studenata u studentskim domovima.

Potrebno je, da se sredstva za subvencioniranje smještaja i ishrane studenata u studentskim centrima–domovima u FBiH, koriste u skladu sa Odlukom o subvencioniranju smještaja i ishrane studenata u studentskim centrima–domovima u FBiH.

Transfer za finansiranje obrazovanja i rekonstrukciju škola ostvaren je u iznosu od 796.338,00 KM, a odnosi se na transfere za reformu obrazovnog sistema, transfere za poboljšanje uslova rada i transfere za poboljšanje učeničkog standarda. Uvidom u prezentiranu dokumentaciju, ne može se potvrditi na koji način je određena visina sredstava po korisnicima za reformu obrazovnog sistema u iznosu od 121.000,00 KM. Ministarstvo je na osnovu pristiglih zahtjeva korisnika (kantonalna ministarstva obrazovanja i škole), odobravalo sredstva za implementaciju projekata, ali nije prezentirana dokumentacija kojom bi se potvrdila na koji način je određena visina dodijeljenih sredstava po korisnicima u skladu sa utvrđenim kriterijima. Zbog navedenog ne može se potvrditi da su u potpunosti primijenjeni kriteriji utvrđeni Programom utroška sredstava s kriterijima raspodjele sredstava tekućih transfera utvrđenim Budžetom FBiH za 2006. godinu.

Potrebno je da se sredstva za transfer za finansiranje obrazovanja i rekonstrukciju škola realizuju u skladu sa utvrđenim kriterijima iz Programa utroška sredstava s kriterijima raspodjele sredstava tekućih transfera utvrđenih Budžetom FBiH.

Transfer za oblast nauke od značaja za Federaciju ostvaren je u iznosu od 726.174,00 KM, a odnosi se na sufinansiranje projekta « Registar naučnih institucija, naučnog kadra, naučnih projekata i infrastrukturnih ulaganja u FBiH », podrška naučno istraživačkom radu, učešće u nabavci opreme za naučno- istraživačke institucije i sufinansiranje međunarodnih naučnih skupova. Uvidom u prezentiranu dokumentaciju, Tim za reviziju konstatuje da je raspored i visinu sredstava po korisnicima transfera vršila komisija, u skladu sa Programom utroška sredstava s kriterijima raspodjele sredstava tekućih transfera utvrđenim Budžetom FBiH za 2006. godinu. Timu za reviziju su prezentirani izvještaji o namjenskom utrošku sredstava za 2006. godinu.

Transfer za institucije nauke od značaja za Federaciju ostvaren je u iznosu od 599.728,00 KM, a odnosi se na finansiranje naučno istraživačkih projekata i istraživačko razvojnih projekata, za podršku naučnim institucijama i interventne potrebe u oblasti nauke. Uvidom u dokumentaciju, konstatovano je da su transferi za finansiranje naučno istraživačkih projekata, realizovani u iznosu od 280.000,00 KM. Međutim, nije prezentirana dokumentacija da je Ekspertna komisija za odabir prijave za finansiranje naučno istraživačkih projekata po konkursu 2005/2006 godina, izvršila konačnu ocjenu rada nosioca projekta, a što je bila u obavezi u skladu sa zaključenim ugovorima sa nosiocima projekata.

Potrebno je da se u skladu sa zaključenim ugovorima o finansiranju naučno istraživačkih projekata izvrši konačna ocjena rada nosioca projekta od strane Ekspertne komisije za odabir prijave za finansiranje naučno istraživačkih projekata po konkursu 2005/2006 godina.

Programom utroška sredstava s kriterijima raspodjele sredstava tekućih transfera utvrđenim Budžetom FBiH za 2006. godinu, utvrđen je nadzor nad namjenskom korištenju doznačenih sredstava od strane korisnika sredstava. Ministarstvo je formiralo Nadzorno tijelo za praćenje namjenskog utroška sredstava tekućih transfera za 2006. godinu. Navedeno Nadzorno tijelo je samo vršilo analizu dostavljenih izvještaja korisnika

o namjenskom utrošku sredstava, a korisnicima sredstava koji nisu dostavili izvještaje upućivane su urgencije (opomene) za dostavu izvještaja. Uvid od strane Ministarstva u namjensko korištenje sredstava kod samih korisnika sredstava nije vršen. Nadzorno tijelo sačinilo je Izvještaj o radu za praćenje namjenskog utroška sredstava tekućih transfera za 2006. godinu, dana 03.04.2007. godine.

Potrebno je da se u skladu sa Programom o utrošku sredstava s kriterijima raspodjele sredstava tekućih transfera utvrđenih Budžetom FBiH, vrši potpun nadzor nad namjenskim korištenjem sredstava tekućih transfera doznačenih krajnjim korisnicima.

Uvidom u prezentiranu dokumentaciju implementacije razvojno-investicionih projekata finansiranih iz INO-kreditnih i donatorskih sredstava, utvrđeno je da Ministarstvo nije u skladu sa članom 31. Zakona o izvršavanju budžeta FBiH, kvartalno izvještavalo Federalno ministarstvo finansija o utrošku sredstava, finansiranih iz INO kreditnih sredstava i donatorskih sredstava, za projekte oporavka obrazovanja OPEC – fond. Ministarstvo ima otvoren posebni transakcioni račun za realizaciju projekta obnove obrazovanja OPEC –fond koji nije u okviru Jedinstvenog računa Trezora i sačinjen je godišnji izvještaj, koji je dostavljen Federalnom ministarstvu finansija.

Da Ministarstvo kod implementacije razvojno-investicionih projekata finansiranih iz INO-kreditnih i donatorskih sredstava, postupa u potpunosti u skladu Zakonom o izvršavanju budžeta FBiH.

Potrebno je da se u saradnji sa Federalnim ministarstvom finansija poduzmu aktivnosti u cilju da se posebni transakcioni račun otvori u okviru Jedinstvenog računa Trezora u skladu sa Zakonom o Trezoru i Uputstvom o izvršavanju budžeta sa jedinstvenog računa trezora.

5. ZAKLJUČAK

Izvršenom revizijom finansijskih izvještaja Ministarstva za 2006. godinu, u cilju sagledavanja zakonitosti rada i izvršenja finansijskog plana Ministarstva, konstatovani su određeni propusti u funkcionisanju sistema internih kontrola koji su imali uticaja na finansijsko poslovanje Ministarstva. Navedeno se posebno odnosi na raspodjelu i visinu sredstava po korisnicima za reformu obrazovnog sistema u skladu sa prethodno donesenim Programom o utrošku sredstava s kriterijima raspodjele sredstava tekućih transfera utvrđenih Budžetom FBiH i izvršene isplate za troškove subvencioniranja smještaja i ishrane studenata u studentskim centrima–domovima u FBiH u većem iznosu od utvrđenog Odlukom Vlade FBiH. U narednom periodu potrebno je poduzeti aktivnosti u cilju dosljednje primjene donesenih akata vezano za realizaciju sredstava tekućih transfera.

Također, Imajući u vidu konstatovane propuste u izvještaju, potrebno je da Ministarstvo, u cilju boljeg funkcionisanja sistema internih kontrola u potpunosti primjenjuje sve pisane procedure u skladu sa Smjernicama za uspostavu i jačanje interne kontrole kod budžetskih korisnika, da iste primjenjuje kako bi cjelokupno poslovanje bilo u skladu sa važećim propisima.

KOMENTAR

U ostavljenom roku, Federalno ministarstvo obrazovanja i nauke dopisom broj 08-14-2388/07 od 23.05.2007. godine, pismeno se očitovalo na Nacrt izvještaja o izvršenoj reviziji finansijskih izvještaja za 2006. godinu. U dostavljenom očitovanju date su primjedbe i obrazloženja vezano za dio nalaza u naprijed navedenom Nacrtu izvještaja. Uvidom u očitovanje i naknadno dostavljenu dokumentaciju, prihvaćena je djelimično primjedba vezano za utrošak sredstava transfera za finansiranje obrazovanja i rekonstrukciju škola –Reforma obrazovnog sistema u FBiH. Ista je inkorporirana u konačnu verziju Izvještaja. Ostala obrazloženja i primjedbe nisu prihvaćene iz razloga što nije dato adekvatno obrazloženje, odnosno nije prezentirana relevantna dokumentacija.

Viši revizor
Munib Ovčina, dipl. oec.

Tim za reviziju
Admir Džumhur, dipl. oec.
Esma Muslić, dipl. oec.